

Home > MARCABRU > EDIZIONE > Al departir del brau tempier > Tradizione manoscritta > CANZONIERE C > Edizione diplomatica

Edizione diplomatica

Edizione multimediale a cura di Silvia Conte

 https://letteraturaeuropea.let.uniroma1.it/sites/default/files/C%20172vbis.jpg	[c. 172vA] Marcabru ? A L departir del brau tempier. quan per la branca puejal sucs. don reuiu la genestel brucx. e floreysson li presseguier. e la rana chantel uiuier. e brotalsauzes el saucs. contral termini ques yssucs. suy dun uers ? far en cossirier. C ossiros suy dun gran uergier. ont a de belhs plansos mans lucs. gent son lempeut el frugs ? bacucs. selh quesser degron sordegier. fuelhs e flors paron de pomier. son al fruchar sautz e saucs. e pus lo caps es balucs. doleus son li membrestremier. M ortz son li bon arbre p(ri)mier. els uius son ramils e festucs. dels fortz assays los uey damnucx. mas de bordir son fazendiers. de promessas son bobansiers. al rendre sauzes e saucx. don los claman flacx e baudux. ieu e tug lautre soudadier.
---	---

	[c. 172vB] Q uan son la nueg iostal fo- guier. nesteues en costans en ucs. mais que berartz de mon- leyder. tota nueg ioston a dob- blier. el iorn al ombra del saucx. auziriatz nauzas e bauducx. e doblar entrels lescaquiers.
	D oncx no paireion li derrier. en totz bos sens ablos faducx. e log si cozer e sarlux. ualon to- lozae monpeslier. quieu sai q(ue)ls mortz foron primier. el mais dels uius son uers saucx. e po- detz dir ques benastrucx. qui troba laur ni oliuier.
	N eys lortolas ab lo clauier. ios ab un uent sen fuy huelhs cucx. per esclauinae per trabucx. an laissat mantelh e caussier. ni ren non ai del estagier. tal hi ram fan sautz e saucx. si nols ten reys o coms o ducx. totz te(m)ps seran mais caminier.
	L o pros sal dieus quan pretz entier. quels rics maluatz pa- ron saucx. per quel segles es ba- dalucx. don malauey e desturbier.

- letto 2954 volte